



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Quantus, in virg[a]e sortibus, Dei simius sit cacodæmon?

urn:nbn:de:hbz:466:1-45653

cundo autem iactu superior pars adhuc vestita, prosperum successum augurabantur: si primū prima pars vestita, infelicem: si utroque iactu vestitum, vel nudatum latus superius fuisset, mixtum euentum sibi pollicebantur. Ut vt sit, reperit Acheronticus Alastor, in omni superstitionis modo, imitatores. De antiquis Germanis, per amputatos, è fructifera arbore, surculos, supra candidam vestem, spargentibus, constat ex Tacito: de Persis & Scythis, per myricinas salignasque virgas, vaticinantibus, docet Cælius Rhodiginus & alij. Eundem morem Turcas Scytharum progeniem retinuisse Collenucij historiæ testantur. Sed & nostra tempora retinent antiqua vitia. Neq; enim Sueci tantū, velut diuina quadam virgula, aurum argentumque, ubi lateat, norunt hariolaris; sed alij quoque conceptis verbis efficiunt, vt virgula recta, ad nomen rei, quem indagant, sponte sua, iunctis extremitatibus, in circulum coëat, & à cornibus velut lunetur.

Tacit. de
morib. Ger-
man. Cæl.
Rhod. lib. 7.
antiq. le&c.
29. Herodot
l. 1. Strabo. l.
15. Colle-
nuc. l. 1. Rer.
Neapolitan.

Nimirum insignis Dei simia est diabolus. Quem non potest imitari, æmulatur. Scit olim Aaroni, virgula florente, sacerdotij prærogatiuam obtigisse, dicente Domino: *Loquere ad filios Israël, & accipe ab eis virgas singulas, per cognationes suas, à cunctis principibus tribuum, virgas annodécim, & uniuscuiusq; nomen superscripte virgæ sua. nomen autem Aaron erit in tribu Leui, & una virga cunctas seorsim familias continebit: ponésq; eas in tabernaculo fœderis, coram testimonio, ubi loquar ad te. quem ex his elegero, germinabit virga eius.* &c. Gessit & Moyses res prodigiosas, per virgam. Sed diuina vis non est perinde omni virgæ alligata. Itaq; sicut Pharaonis malefici fecerūt etiā ipsi per incantationes Ægyptiacas & arcana quædā similiter: proieceruntq; singuli virgas suas, quæ versa sunt in dracones: ita hodie dum cacodæmon homines dementat, vt dum sunt Orcini, sibi diuini esse videantur. Illi scire debent, antiquam hanc esse antiqui serpentis artem, vt se in Angelum lucis transfiguret, fallacissimaque promissione dicat: *Eritis, sicut di, scientes bonum & malum.* Accedit, hoc tempore, diuinatoriam sortem nec iussam à Deo, nec, sine peculiari instinctu Dei permittam; sicut adhuc permisla fuit, quando B. Dei Mater Iosepho sponsa data est, itidem virga eius germinante, vt quidam piè credunt.

VII.

Num. 17. 2.

Exod. 7. 11.

Gen. 3. 5.

Diuinatoria sorti olim valde dediti fuerunt, Augustus, Tiberius, itemque rex Pergami Attalus. Vtinam & nunc non etiam multi magnates se sinerent in hoc barathrum præcipitari, vt con-

VIII.
Sueton. in
Augusto &
Tiberio.